

## მომსახურების ხელშეკრულება № 44

ქ. ჯვარი

„10 მაისი“ 2017 წ.

ერთი მხრივ, სსიპ პროფესიული კოლეჯი „ლაკადა“ (შემდგომში „შემკვეთი“), წარმოდგენილი მისი დირექტორის მ/შ პირი თეანა ქუხილაგას სახით, მეორეს მხრივ, ინდ. მეწარმე - გელა ხულორდავა, პირადობის № 51001016679, (MERCEDES-BENZ - SPRINTER - 212 D) მისამართი: ქ. წალენჯიხა, ზედა საჩინოს უბანი (შემდგომში „შემსრულებელი“) წარმოდგენილი გელა ხულორდავას სახით ორივე ერთად წოდებული როგორც „მხარეები“, ვდებთ წინამდებარე ხელშეკრულებას შემდეგზე:

### 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება მომსახურების შესახებ“ (შემდგომში - „ხელშეკრულება“) - შემკვეთსა და შემსრულებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს მიმწოდებელმა

1.3. „დღე“, „კვირა“, „თვე“ - კალენდარულ დღე, კვირა, თვე.

1.4. „შემკვეთი“ - ორგანიზაცია, რომელიც ახორციელებს შესყიდვას.

1.5. „შემსრულებელი“ - ინდ. მეწარმე, რომელიც იღებს მომსახურებას ამ ხელშეკრულების ფარგლებში.

1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

### 2. ხელშეკრულების საგანი

2.1. ხელშეკრულების საგანია ავტოსატრანსპორტო მომსახურების გაწევა.

2.2. მომსახურება მოიცავს: 2018 წლის 10 მაისიდან 2018 წლის 31 ივლისამდე სსიპ კოლეჯი „ლაკადა“-ში სამუშაოს მაძიებელთა პროფესიული მომზადება-გადამზადებისა და კვალიფიკაციის ამაღლების ჯან. დაცვის სახელმწიფო პროგრამის ლექციებზე სტუდენტთა ტრანსპორტირება.

2.3. CPV -60100000 - ავტოსატრანსპორტო მომსახურებები .

### 3. ხელშეკრულების ღირებულება

3.1. შესყიდვის ობიექტის სახელშეკრულებო თანხა, საქართველოს კანონმდებლობით დადგენილი გადასახადების ჩათვლით შეადგენს - 1 000,00 (ერთი ათასი) ლარს;

3.2. დაფინანსების წყარო - სამუშაოს მაძიებელთა პროფესიული მომზადება-გადამზადებისა და კვალიფიკაციის ამაღლების ჯან. დაცვის სახელმწიფო პროგრამის ფონდი.

3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები მიმწოდებლისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

#### 4. მხარეთა პასუხისმგებლობა

მხარეები პასუხს აგებენ მათ მიერ ნაკისრი ვალდებულებების შეუსრულებლობის ან არაჯეროვანი შესრულებისასთვის კანონმდებლობით დადგენილი წესით.

#### 5. ფორს-მაჟორი

5.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

5.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემვეთის ან/და შემსრულებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

5.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

#### 6. დავა

მხარეთა შორის წარმოშობილი დავა წყდება ურთიერთშეთანხმებით. შეთანხმების მიუღწევლობის შემთხვევაში დავას განიხილავს სასამართლო საქართველოს მოქმედი კანონმდებლობის შესაბამისად.

#### 7. ცვლილებები და დამატებები

წინამდებარე ხელშეკრულებაში ნებისმიერი ცვლილების ან დამატების შეტანა ხდება მხარეთა წერილობითი შეთანხმების საფუძველზე.

#### 8. მომსახურების მიღება-ჩაბარების წესი

მომსახურების მიღება წარმოებს მიღება-ჩაბარების აქტის სახით. აღნიშნული მომსახურება ჩაითვლება დასრულებულად მხოლოდ მიღება-ჩაბარების აქტის გაფორმების შემდეგ მიღება-ჩაბარების აქტი ფორმდება გაწეული მომსახურების დასრულებისას.

#### 9. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში შემსრულებელთან.

## 10. ანგარიშსწორება

10.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;  
ბ) ანგარიშსწორების ფორმა - უნადდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

10.2. მიმწოდებელი იღებს ვალდებულებას განახორციელოს 3.1 პუნქტით გათვალისწინებული ხელშეკრულების ღირებულების გადახდა განხორციელდეს ორ ეტაპად, შუალედური და საბოლოო ანგარიშსწორებით, შესაბამისი მიღება-ჩაბარების აქტის გაფორმებიდან 20 (ოცი) დღის განმავლობაში.

## 11. ხელშეკრულების მოქმედების ვადა

წინამდებარე ხელშეკრულება ძალაში შედის 2018 წლის 10 მაისიდან და მოქმედებს 2018 წლის 30 აგვისტოს ჩათვლით.

## 12. მხარეთა რეკვიზიტები:

შემსყიდველი:

სსიპ პროფესიული კოლეჯი „ლაკადა“-ს  
დირექტორის მ/შ თეანა ქუხილავას სახით,  
მისამართი: ქ. ჯვარი-ყაზბეგის ქ. №2  
ტელ: 595 50 67 32  
ს/კ 242728679  
საბანკო რეკვიზიტები: სახელმწიფო ხაზინა  
დირექტორის მ/შ: თეანა ქუხილავა

შემსრულებელი:

ინდ. მეწარმე - გელა ხულორდავა  
მისამართი: ქალაქი ჯვარი  
პ/№ 51001016679  
საბანკო რეკვიზიტები: სს „თი ბი სი ბანკი“  
ბანკის კოდი: TBCBGE22  
ტელ: 577 34 73 72  
ა/ა №GE31TB7748745063600022  
გელა ხულორდავა



